

全唐文紀事

全唐文紀事卷一百十九

原任翰林院編修 國史館纂修 實錄館提調 武英殿協修陳鴻墀纂

總論二

原夫詩賦之意所以達下情所以諷君上上下下情通而天下亂者未之有也近之作者先文後理詞治不雅既不關於諷刺又不足以見情蓋失其本又何爲乎

論

劉秩選舉

天寶初適於平陽平陽太守稷山公則衡之從考舅雅好古道門尚詞客當今文人相與多矣嘗歎曰取士之

道才其難乎或精文而薄於行或敦行而淺於文斯乃  
有失其道一至於此顧衡曰吾嘗謂爾知言爾其言之  
衡私門以文場而進五世鄙雖不嗣忝藉餘訓敢著元  
龜以敘其事

尚衡文道  
元龜序

所著文章根元極則道演寄情性則于爲于思善人則  
禮咏多能而深則廣吳公子觀樂曠達而妙則現題窮  
於性命則蹇士賦可謂與古同轍自爲名家者也

李華  
元魯

山墓碣  
李遐叔文集  
銘序

年十八趙郡李遐叔河南獨孤至之始見其文稱其美

由是大名彰於海內退則澹然而居於一室傲遺乎萬  
物貫極乎六籍旁羅乎百氏考太史公之實錄又考老  
莊道家之言皆覩其奧而觀其妙立德玩詞以爲文其  
所論載諷詠法於春秋協於謨訓大雅之疏達而信頌  
之寬靜形焉博約而深厚優游而廣大其三占之遺有  
文集三十卷爲學者之師式嘗著釋氏止觀統例幾乎  
易之繫辭矣

崔元翰右補闕翰  
林學士梁君墓誌

文苑英華

初國家自顯慶以來高宗聖躬多不康而武太后任事  
參決大政與天子並太后頗涉文史好雕蟲之藝永隆

中始以文章選士及永淳之後太后君天下二十餘年  
當時公卿百辟無不以文章因循選久浸以成風以至  
開元天寶之中上承高祖太宗之遺烈下繼四聖理平  
之化賢人在朝良將在邊家給戶足人無苦窳四夷來  
同海內晏然雖有宏猷上略無所措奇謀雄武無所奮  
百餘年間生育長養不知金鼓之聲烽燧之光以至於  
老故太平君子唯門調戶選徵文射策以取祿位此行  
已立身之美者也父教其子兄教其弟無所易業大者  
登臺閣小者任郡縣資身奉家各得其足五尺童子恥

不言文墨焉是以進士爲士林華選四方觀聽希其風  
采每歲得第之人不浹辰而周聞天下故忠賢雋彥韜  
才毓行者咸出於是而桀奸無良者或有焉故是非相  
陵毀稱相騰或扇結鈞黨私爲盟歆以取科第而聲名  
動天下或鈎摭隱慝嘲爲篇詠以列於道路迭相談訾  
無所不至焉

沈既濟  
詞科論

文苑英華

奉榮問蒙示相國崔公往復書并諸墓銘奠文及江西  
路上之作詞致清深華彩巨麗言必合雅情皆中節瓊  
瑰見辱囊篋增輝又竊文矩不勝幸甚相國於薦中表

丈人行也相國丈與劉齊二公變諧大政也薦蒙過聽之遇以博士再入東觀三相連步同送拜職榮之於心甯止迄今閣老以志學之歲下帷覃思與古人心會於經誥之上獨行乎貞朗之域逮於弱冠德輝彰聞相國丈傾慕之不足願申以姻好詎假媒介直操藁簡閣老感深見託敬諾嘉命磊落丈夫之事二君子交脩之甚休精識妙鑒得賢斯盛旣而夫貴於朝妻尊於室崔門綬帶之慶其有極乎及覽後書援皇極元德之論指匡張孔馬之戒實當益友之目豈惟佳壻而已又覩建昌

房州誌文等昔年亦同遊處嘉聞遺諮過作者而不朽  
矣至如置奠東武之祠興慟子咸之述繼美彥先之句  
諷而誦之寶而藏之有以見六義昭宣百行醇備名稱  
赫赫宜乎哉走素不敏猥列僚舊豈悞見厚投以至言  
也

張薦答權  
載之書

初興元貞元之間轂下饑旱乘輿避正殿君引古抗章  
條其目數詳定昭德皇后廟樂及太儀位號儀大臣附  
廟鼓吹之法皆稱典義而爲故事有文集三十卷犖犖  
然君子之詞也上疏陳史職利弊指明切實有裨王度



著史遁先生傳臣節之貞厲見焉纂十祖贊家風之德  
善章焉至若宰輔傳略靈怪集同僚籍寓居錄等又數

十編自成一家之言

贈禮部尚書張公墓誌銘序

權文公集

國朝鏤邇代之弊振中古之業掌文命官發華歸本出  
入二百載上下十數公燦燦然與漢魏同風矣而曠士  
之制博而通豪士之制英而辨道流之制精而密君子  
之制直而溫吳郡朱君其君子歟諱巨川字德源嘉興  
人也年二十明經擢第嘗著四皓碑磅礴君臣之際表  
章出處之跡正或蒙難顯黜於晦柔能麗明語賢於默

道宏藏衍義與定傾識者已知其有易諒佐檢之風矣  
考經義之箋訓撰策書之贊敘每立新評必度常均將  
欲含堅超長鍼盲起疾矣又著睢陽守城論一篇以爲  
義者忠之徒廉者節之本苟忘義以自重是臨節而可  
移固以探二公之心垂萬古之訓使違難者銷聲以結  
舌苟生者寄愧而終身斯深於春秋而不義者遠矣本  
州牧御史大夫李涵推善里仁拜章特徵薦左補闕內  
供奉行以直聞文以正舉皆君之素也況官以諫爲名  
乎傳納從容休問昭晰由是擢起居舍人知制誥換司

勲員外郎掌誥如初拜中書舍人錫以章綬凡載書之  
傳信者贊書之加命者詔策之封崇者愍策之褒厚者  
其詞必溫其道必直洪而不放纖而不繁實根作者之  
心無愧前人之色

李紱朱府君神道碑

文苑英華

孟之詩五言高處在古無二其有平處下顧兩謝崔之  
文鴻健宏深度中文質言之他時必得老成言之今日  
粲然出倫其孟子之文奇其行貞其崔子爲文如適所  
陳爲行則磊落不常俱非苟取是之人也特惟哲匠執  
而匠之引而塗之未若觀之愚也嘗望處分維摩詰贊

初若不安應命乃遲方今勵精上或可觀

上梁補闕薦孟郊崔宏禮

書 李元  
賓文編

前者唐生至自滑猥辱致書札兼獲所貺新作二十篇  
度俗流也不盡窺見若愍女碑烈婦傳可以激清教義  
煥於史氏鐘銘謂以功伐名於器爲銘與弟正辭書謂  
文非一藝斯皆可謂救文之失廣文之用之文也甚善  
甚善觀弟近日製作大旨常以時世之文多偶對儷句  
屬綴風雲羈束聲韻爲文之病甚矣故以雄詞遠志一  
以矯之則是以文字爲意也且文者聖人假之以達其

心達則已理窮則已非故高之下之詳之畧之也愚欲去彼取此則安步而不可及平居而不可踰又何必遠關經術然後騁其材力哉昔人有見小人之違道者恥與之同形貌共衣服遂思倒置眉目反易冠帶以異也不知其倒之反之之非也雖非於小人亦異於君子矣故文人之異在氣格之高下思致之淺深不在其磔裂章句隳廢聲韻也人之異在風神之清濁心志之通塞不在於倒置眉目反易冠帶也試用高明少納庸妄若以爲未幸不以苦言見革其惑唯僕心慮荒散百事罷

息然意之所在敢隱於故人耶昌黎韓愈僕識之舊矣  
中心愛之不覺驚賞然其人信美材也近或聞諸儕類  
云恃其絕足往往奔放不以文立制而以文爲戲可矣  
乎可矣乎今之作者不及則已及之者當大爲防焉耳

裴度寄  
李翱書

文苑英華

愈之所爲不自知其至猶未也雖然學之二十餘年矣  
始者非三代兩漢之書不敢觀非聖人之志不敢存處  
若忘行若遺儼乎其若思茫乎其若迷當其取於心而  
注於手也惟陳言之務去夏夏乎其難哉其觀於人不

知其非笑之爲非笑也如是者亦有年猶不改然後識  
古書之正僞與雖正而不至焉者昭昭然白黑分矣而  
務去之乃徐有得也當其取於心而注於手也汨汨然  
來矣其觀於人也笑之則以爲喜譽之則以爲憂以其  
猶有人之說者存也如是者亦有年然後浩乎其沛然  
矣吾又懼其雜也迎而距之平心而察之其皆醇也然  
後肆焉雖然不可以不養也行之乎仁義之途游之乎  
詩書之源無迷其途無絕其源終吾身而已矣

答李  
翊書

天寶末經術高第遇亂奉德清君夫人載家書隱於王  
屋山間行以求食深處以修業作避暑賦旣而以爲天  
子平大難發大號且致太平人罹兵戎農去耒耜宜以  
時興太學勸耦耕作三老五更議耜田書齋沐以獻道  
不果用進大理評事以爲刑法者軍旅之楨幹斥候者  
邊鄙之視聽不可以不具作晉文公三罪議守邊論議  
事確直世不能容爲鄂岳沔都團練判官元戎大攘狡  
虜增地進律作夏口破虜頌

先侍御史府  
君神道表

柳河東集

公修詞以藻德振文而導志以爲理化之始莫尊乎堯



作堯祠頌以爲述德之道不忘於祖作始祖碑以爲紀  
廣大之志敘正直之節不嫌於親作元兄侍御史府君  
墓誌其餘諷詠比興皆合於古故宗人咸曰文如吳興  
守

故叔父侍御史  
府君墓版文

柳河東集

月日宗元再拜獻書丈人座前役人胡要返命奉教誨  
壯厲感發鋪陳廣大上言推延賢雋之道難於今之世  
次及文章末以愚蒙剝喪頓悴無以守宗族復田畝爲  
念憂悶備極不惟其親密故舊是與復有公言顯賞許  
其素尙而激其忠誠者用是踴躍敬懼類鄉時所被簡

牘萬萬有加焉故敢悉其愚以獻左右自古文士之多  
莫如今今之後生爲文希屈馬者可得數人希王褒劉  
向之徒者又可得十人至陸機潘岳之比累累相望若  
皆爲之不已則文章之大盛古未有也後代乃可知之  
今之俗耳庸目無所取信僕然特異者乃見此耳丈人  
以文律通流當世叔仲鼎列天下號爲文章家今又生  
敬之敬之希屈馬者之一也天下方理平今之文士咸  
能先理理不一斷於古書老生直趨堯舜大道孔氏之  
志明而出之又古之所難有也然則文章未必爲士之

未獨采取何如耳宗元自小學爲文章中間幸聯得甲乙科第至尙書郎專百官章奏然未能究知爲文之道自貶官來無事讀百家書上下馳騁乃少得知文章利病去年吳武陵來美其齒少才氣壯健可以興西漢之文章日與之言因爲之出數十篇書庶幾鏗鏘陶冶時時得見古人情狀若吳子之文非丈人無以知之獨恐世人之才高者不肯久學無以盡訓詁風雅之道以爲一世甚盛若宗元者才力缺敗不能遠騁高厲與諸生摩九霄撫四海夸耀於後之人矣何也凡爲文以神志

爲主自遭責逐繼以大故荒亂耗竭又常積憂恐神志  
少矣所讀書隨又遺忘一二年來痞氣尤甚加以眾疾  
動作不常眊眊然騷擾內生羶霧填擁慘沮雖有意窮  
文章而病奪其志矣每聞人大言則蹶氣震怖撫心按  
膽不能自止又永州多火災五年之間四爲天火所迫  
徒跣走出壞牆穴牖僅免燔灼書籍散亂毀裂不知所  
往一遇火恐累日茫洋不能出言又安能盡意於筆硯  
矻矻自苦以傷危敗之魂哉中心之惻惻鬱結具載所  
獻許京兆丈人書不能重煩於陳列

與楊京兆憑書

柳河東

文集

今之世不聞有師有輒譁笑之以爲狂人獨韓愈奮不顧流俗犯笑侮收召後學作師說因抗顏而爲師世界羣怪聚罵指目牽引而增與爲言辭愈以是得狂名吾子前所欲見吾文旣悉以陳之非以耀明於子聊欲以觀子氣色誠好惡何如也今書來言者皆大過吾子誠非佞譽誣諛之徒直見愛甚故然耳始吾幼且少爲文章以辭爲工及長乃知文者以明道是故不苟爲炳炳烺烺務采色夸聲音而以爲能也凡我所陳皆自謂近

道而不知道之果近乎遠乎吾子好道而可吾文或者其於道不遠矣故吾每爲文章未嘗敢以輕心掉之懼其剽而不留也未嘗敢以怠心易之懼其弛而不嚴也未嘗敢以昏氣出之懼其昧沒而雜也未嘗敢以矜氣作之懼其偃蹇而驕也抑之欲其奧揚之欲其明疎之欲其通廉之欲其節激而發之欲其清固而存之欲其重此吾所以翫翼夫道也本之書以求其質本之詩以求其恆本之禮以求其宜本之春秋以求其斷本之易以求其動此吾所以取道之原也參之穀梁氏以厲其

氣參之孟荀以暢其支參之莊老以肆其端參之國語以博其趣參之離騷以致其幽參之太史以著其潔此吾所以旁推交通而以為之文也凡若此者果是耶非耶有取乎抑其無取乎吾子幸觀焉擇焉有餘以告焉苟亟來以廣是道子不有得焉則我得矣又何以師云

爾哉

答韋中立  
論師道書

柳河東集

凡人之事迹非大善大惡則眾人無由知之故舊例皆訪問於人又取行狀謚議以為一據今之作行狀者非其門生即其故吏莫不虛加仁義禮智妄言忠肅惠和

或言盛德大業遠而愈光或云直道正言歿而不朽曾  
不直敘其事故善惡混然不可明至如許敬宗李義府  
李林甫國朝之奸臣也其使門生故吏作行狀旣不指  
其事實虛稱道忠信以加之則可以移之於房元齡魏  
徵裴炎徐有功矣此不惟其處心不實苟欲虛美於所  
受恩之地而已蓋亦爲文者又非游夏遷雄之列務於  
華而忘其實溺於辭而棄其理故爲文則失六經之古  
風記事則非史遷之實錄不如此則辭句鄙陋不能自  
成其文矣由是事失其本文害於理而行狀不足以取



信若使指事書實不飾虛言則必有人知其真僞不然者縱使門生故吏爲之亦不可以謬作德善之事而加之矣臣今請作行狀者不要虛說仁義禮智忠肅惠和盛德大業正言直道蕪穢簡冊不可取信但指事說實直載其詞則善惡功跡皆據事足以自見矣假令傳魏徵但記其諫爭之詞足以爲正直矣如傳段秀實但記其倒用司農寺印以追逆兵又以象笏擊朱泚自足以爲忠烈矣今之爲行狀者都不指其事率以虛詞稱之故無魏徵之諫爭而加之以正直無秀實之義勇而加

之以忠烈者皆是也其何足以爲據若考功視行狀之不依此者不得受依此者乃下太常并牒史館太常定諡牒送史館則行狀之言縱未可一一皆信與其虛加妄言都無事實者猶山澤高下之不同也

百官行狀李

文公集

汝勿信人號文章爲一藝夫所謂一藝者乃時世所好之文或有盛名於近代者是也其能到古人者則仁義之辭也惡得以一藝而名之哉汝雖性過於人然而未能浩浩於其心吾故書其所懷以張汝且以樂言吾道

云爾

寄從弟  
正辭書

李文公集

先生七歲好學言出成文及冠恣爲書以傳聖人之道  
人始未信旣發不掩聲震業光眾方驚爆而萃排之乘  
危將顛不懈益張卒大信於天下先生之作無圓無方  
至是歸工挾經之心執聖之權尙友作者跋那觥異以  
扶孔氏存皇之極知與罪非我計茹古涵今無有端涯  
渾渾灑灑不可窺校及其酣放豪曲快字凌紙怪發鯨  
經春麗驚耀天下然而栗密竊渺章妥句適精能之至  
入神出天嗚呼極矣後人無以加之矣姬氏以來一人

而已矣

韓文公墓誌銘序

皇甫持正集

來書所謂今之工文或先於奇怪者顧其文工與否耳  
夫意新則異於常異於常則怪矣詞高則出於眾出於  
眾則奇矣虎豹之文不得不炳於犬羊鸞鳳之音不得  
不鏘於鳥鵲金玉之光不得不炫於瓦石非有意於先  
之也迺自然也必崔嵬然後爲岳必滔天然後爲海明  
堂之棟必撓雲霓驪龍之珠必錮深泉足下以少年氣  
盛固當以出拔爲意學文之初且未自盡其才何遽稱  
力不能哉圖王不成其弊猶可以霸其僅自見也將不

勝弊矣孔子譏其身不能者幸勉而思進之也來書所謂浮艷聲病之文恥不爲者雖誠可恥但慮足下方今不爾且不能自信其言也何者足下舉進士舉進士者有司高張科格每歲聚者試之其所取迺足下所不爲者也工欲善其事必先利其器足下方伐柯而捨其斧可乎哉恥之不當求也求而恥之惑也今吾子求之矣是徒涉而恥濡足也寧能自信其言哉來書所謂汲汲於立法甯人者迺在位者之事聖人得勢所施爲也非詩賦之任也功旣成澤旣流詠歌紀述光揚之作作焉

聖人不得勢方以文詞行於後今吾子始學未仕而急其事亦太早計矣凡來書所謂數者似言之未稱思之

或過其餘則皆善矣

答李生  
第一書

皇甫持正集

生云虎豹之文非奇夫長本非長短形之則長矣虎豹之形於犬羊故不得不奇也他皆倣此生云自然者非性不知天下何物非自然乎生又云物與文學不相侔此喻也凡喻必以非類豈可以彈喻單乎是不根者也生稱以知難而退爲謙夫無難而退謙也知難而退宜也非謙也豈可見黃門而稱貞哉生以一詩一賦爲非

全唐文紀事

卷一百十九

五

文章抑不知一之少便非文章耶直詩賦不是文章耶如詩賦非文章三百篇可燒矣如少非文章湯之盤銘是何物也孔子曰先行其言既爲甲賦矣不得稱不作聲病文也孔子曰必也正名乎生旣不以一第爲事不當以進士冠姓名也夫煥乎郁郁乎之文謂制度非止文詞也前者捧卷軸而來又以浮艷聲病爲說似商量文詞當與制度之文異曰言也近風教偷薄進士尤甚迺至有一謙三十年之說爭爲虛張以相高自謾詩未有劉長卿一句已呼阮籍爲老兵矣筆語未有駱賓王

一字已罵宋玉爲罪人矣書字未識偏傍高談稷契讀書未知句度下視服鄭此時之大病所當嫉者生美才勿似之也

答李生第二書

皇甫持正集

湜白時論所以難在論其本而善守之使千流萬轉不遷於末則蕩而失其憤眊無睹囂囂相訾何所得哉始與生言奇不言正也故論止於奇生以正抑其奇然後參正流焉譬與生說先牛馬以說駱駝而非云也云以無傷於正猶易之凡言無咎本皆有咎此未了也易之無咎不一本有咎由慎故免亦曰咎自己招不可咎人



亦曰義生以凡目之當是讀書未熟自僕云無傷也生  
言非常之物如何得常故當爾也所以千年聖而愚比  
肩也生言天象形象非常者皆爲妖妄如天出景星地  
出醴泉蓋非常謂之妖可乎假如妖星熒惑天所常懸  
牛溲馬勃地所常有足尙乎生何望生以松柏不艷比  
文章此不知類也凡比必於其倫松柏可比節操不可  
比文章大人虎變君子豹變此文章比也有以質爲貴  
者有以文爲貴者引茅屋越席易黼藻元黃之用可乎  
生云奇與易作者何別在所爲耳請考之於實生爲易

矣試爲僕作難者視何如相如揚雄也恐生乃不能非  
不爲也楚詞史記太元之不朽也豈爲資笑謔乎哉如  
鳥鵲啁啾聲斷便已人不聞爾何足貴也所言詩書  
之文不奇舉多言之也易處多奇處少爾易文大抵奇  
也易處幾希矣孟子常引詩云周餘黎民靡有孑遺豈  
周遂不遺一民哉僕之言猶是生云知難而退爲謙是  
知不可取然後止非可取而不取也菽麥異生而師惑  
之何哉生之師且惑菽麥生卷中文能囊括天地耶此  
不遜悌之言吾不信也韓退之復張籍書曰頑然不入

者親以言論之不入則其觀吾書固將無所得矣生勗

之而已

答李生  
第三書

皇甫持正集

夫比文之流其來尙矣自六經子史至於近代之作無  
不詳備當朝之作則燕公悉以評之自燕公已降試爲  
子論之燕公之文如榱木枅枝締構大厦上棟下宇孕  
育氣象可以燮陰陽而閱寒暑坐天子而朝羣后許公  
之文如應鐘鼗鼓笙簧鐸磬崇牙樹霸考以宮懸可以  
奉明神享宗廟李北海之文如赤霧白甲延亘平野如  
雲如風有軀有虎闐然鼓之吁可畏也賈常侍之文如

高冠華簪曳裾鳴玉立於廊廟非法不言可以望爲霸  
儀資以道義李員外之文則如金輦玉輦雕龍彩鳳外  
雖丹青可掬內亦體骨不饑獨孤尙書之文如危峯絕  
壁穿倚霄漢長松怪石傾倒谿壑然而略無和暢雅德  
者避之楊崖州之文如長橋新構鐵騎夜渡雄振威厲  
動心駭耳然而鼓作多容君子所慎權文公之文如朱  
門大第而氣勢宏敞廊廡廩廩戶牖悉周然而不能有  
新規勝槩令人竦觀韓吏部之文如長江秋注千里一  
道衝飈激浪瀚流不滯然而施諸灌溉或爽於用李襄

陽之文如燕市夜鴻華亭曉鶴嘹唳亦足驚聽然而才  
力偕鮮悠然高遠故友沈諫議之文則如隼擊鷹揚滅  
沒空碧崇蘭繁榮曜英揚蕤雖迅舉秀擢而能沛艾絕  
景其他握珠璣奮組繡者不可一二而紀矣若數公者  
或傳符於帝宰或受命於神工或鳳翥詞林或虎踞文  
苑或抗轡荀孟或懷袂班揚皆一時之豪彥筆硯之麟  
鳳今皆游泳其波瀾偃息其林藪論業  
來書論文盡養才之道增作者之氣推而行之可以復  
聖人之教見天地之心甚善夫君子學文所以行道足

下兄弟今之才子官雖不薄道則未行亦有才者之病  
君子患不知之既知之則患不能無病故無病則氣生  
氣生則才勇才勇則文壯文壯然後可以鼓天下之動  
此養才之道也在足下他日行之如老夫之文不近於  
道老夫之氣已至於衰老夫之心不復能勇三者無矣  
又安得見古人之文論君子之道近先王之教斯不能  
必矣

柳冕答楊中丞論文書

前後著文凡一

一作三

百五十二首皆理義撮要詞無枝

葉其卓然者有詹事府司直比部員外郎廳記請雙日

坐疏與梁肅上宰相論選事狀秉筆者許之

有唐善人  
墓碑銘序

白氏

長慶集

鴻臚

謹案善人乃李建唐書有傳此碑銘云古者墓

有表表有云顯其行省其文故季札死仲尼表其墓

曰君子今吾喪李君署其碑曰善人蓋墓碑變例也

全唐文紀事卷一百十九終

全唐文紀事卷一百二十

原任翰林院編修 國史館纂修 寶錄館提調 武英殿協修陳鴻墀纂

總論三

魏文典論稱文以氣爲主氣之清濁有體斯言盡之矣然氣不可以不貫不貫則雖有英辭麗藻如編珠綴玉不得爲全璞之寶矣鼓氣以勢壯爲美勢不可以不息不息則流宕而忘反亦猶絲竹繁奏必有希聲窈渺聽之者悅聞如川流迅激必有洄洑逶迤觀之者不厭從兄翰常言文章如千兵萬馬風恬雨霽寂無人聲蓋謂



是矣近世誥命唯蘇廷碩敘事之外自爲文章才實有餘用之不竭世有非文章者曰辭不出於風雅思不越於離騷模寫古人何足貴也余曰譬諸日月雖終古常見而光景常新此所以爲靈物也余嘗爲文箴今載於此曰文之爲物自然靈氣怱怱而來不思而至杼柚得之淡而無味琢刻藻繪珍不足貴如彼璞玉磨礪成器奢者爲之錯以金翠美質旣雕良寶所棄此爲文之大旨也

論

文章

會昌一品集

凡爲文以意爲主以氣爲輔以辭彩章句爲之兵衛未

有主強盛而輔不飄逸者兵衛不華赫而莊整者四者  
高下圓折步驟隨主所指如鳥隨鳳魚隨龍師眾隨湯  
武騰天潛泉橫裂天下無不如意苟意不先立止以文  
彩辭句繞前捧後是言愈多而理愈亂如入闐闐紛然  
莫知其誰暮散而已是以意全勝者辭愈樸而文愈高  
意不勝者辭愈華而文愈鄙是意能遣辭辭不能成意  
大抵爲文之旨如此

答莊  
充書

樊川文集

歷觀往代策文奏議及國朝元和以前名臣表疏辭尙  
簡要質勝於文直指是非坦然明白致時君易爲省覽

全唐文紀事

卷一百二十

二

國史以馬周建議不可以加一字不可以減一字得其簡要又杜甫嘗雪房琯表朝廷以爲度辭儻端明易曉

必庶幾免於深僻之弊

牛希濟表章論

文苑英華

今國朝文士之作有詩賦策論箴判贊頌碑銘書序文檄表記此十有六者文章之區別也制作不同師模各異然忘於教化之道以妖艷爲勝夫子之文章不可得而見矣古人之道殆以中絕賴韓吏部獨正之於千載之下使聖人之旨復新今古之體分而爲四崇仁義而敦教化者經體之制也假彼問對立意自出者子體之

制也屬詞比事存於褒貶者史體之制也又有釋訓字義幽遠文意觀之者久而方達乃訓詁雅頌之遺風卽皇甫持正樊宗師爲之謂之難文今有司程式之下詩賦判章而已唯聲病忌諱爲切比事之中過於諧謔學古文者深以爲慚晦其道者揚袂而行又屈宋之罪人也且時俗所省者惟詩賦兩途卽有身不就學口不知書而能吟詠之列是知浮艷之文焉能臻於理道

牛希濟文

章論

文苑英華

太原君足下雷賦逾六千言推之大易參之元象其旨

甚微其辭甚奇如觀駭濤於重溟徒知褫魄眙目莫得  
畔岸誠謂足下怪於文方舉降旗將大誇朋從間且疑  
子雲復生無何足下繼以翼旨及雜題十七篇則與雷  
賦相闊數百里足下未到其壺則非樵所敢與知既入  
其域設不如意亦宜上下銖兩不當如此懸隔不知足  
下以此見嘗耶抑以背時戾眾且欲舖粕吸醢以苟其  
合耶何自待則濫而徇人反深鸞鳳之音必傾聽雷霆  
之聲必駭心龍章虎皮是何等物日月五星是何等象  
儲思必深摘詞必高道人之所不道到人之所不到趨

怪走奇中病歸正以之明道則顯而微以之揚名則久而傳前輩作者正如是譬玉川子月蝕詩楊司城華山賦韓吏部進學解馮常侍清河壁記莫不拔地倚天句句欲活讀之如赤手捕長蛇不施控騎生馬急不得暇莫可捉搦又似遠人入太興城茫然自失詎比十家縣足未及東郭目已及西郭耶樵嘗得爲文真訣於來無擇來無擇得之於皇甫持正皇甫持正得之於韓吏部退之然樵未始與人言及文章且懼得罪於時今足下有意於此而自疑尙多其可無言乎

與王霖  
秀才書

孫可之

全唐文紀事

卷一百二十

四

集

嘗觀杜子美祭太尉房公文李太白佛寺碑贊宏拔清厲乃其歌詩也張曲江五言沉鬱亦其文筆也豈相傷

哉

題柳柳州集後序

司空表聖文集

愚爲詩爲文一也所務得諸己而已未嘗撫拾前賢之謬誤然爲儒證道又不可皆無也嘗得柳子厚封建論以爲三王樹置蓋勢使之然又有是蓑宏之辨意其多於救時今夏縣穀卻自淮南緘所著新文而至愚雅以孫文不尙辭待之頗易及見其卜年論又聳然加敬鍾

陵秀士陳用拙出其宗人獄所作春秋折衷論數十篇  
贍博精緻足以下視兩漢迂儒矣因激剛腸有詆經之  
說亦疑經文誤耳蓋極於時病言或不得其中亦欲鼓  
陳君之銳氣當有以復於我耳

疑經  
後述

司空表聖文集

上元元年劉嶢上疏曰國家以禮部爲考秀之門考文  
章於甲乙故天下響應驅馳於才藝不務於德行夫德  
行者可以化人成俗才藝者可以約法立石致有朝登  
科甲而夕陷刑辟制法守度使之然也陛下焉得不改  
而張之至如日誦萬言何關理體文成七步未足化人



昔子張學干祿仲尼曰言寡尤行寡悔祿在其中矣又曰行有餘力則以學文今舍其本而循其末況古之作文必諧風雅今之末學不近典謨勞心於草木之間極筆於煙雲之際以此成俗斯大謬也

通典

自大中咸通之後每歲試春官者千餘人其間章句有聞疊疊不絕如何植李玫皇甫松李儒犀梁望毛濤貝床來鵠賈隨以文章著美溫庭筠鄭瀆何涓宋耘沈駕周繇以詞賦標名皆苦心文華厄於一第然其間數公麗藻英詞播於海內其虛薄叨聯名級者又不可同年

而語矣

劇談錄

韓文公與孟東野友善韓公文至高孟長於五言時號  
孟詩韓筆元和中後進師匠韓公文體大變又柳州宗  
元李尚書翱皇甫郎中湜馮詹事定祭酒楊公余座主  
李公皆以高文爲諸生所宗長慶以來李封州甘爲文  
至精又元和以來李相國程王僕射起白少傅居易兄  
弟張舍人仲素爲場中詞賦之最言程式者宗此五人

因話錄

沈既濟撰枕中記莊生寓言之類韓愈撰毛穎傳其文

尤高不下史遷二篇真良史才也

唐國史補

張說徐堅同爲集賢學士十餘年好尚頗同情契相得時諸學士凋落者眾惟說堅二人存焉說手疏諸人名與堅同觀之堅謂說曰諸公昔年皆擅一時之美敢問孰爲先後說曰李嶠崔融薛稷宋之問皆如良金美玉無施不可富嘉謨之文如孤峯絕岸壁立萬仞叢雲鬱興震雷俱發誠可畏乎若施於廊廟則爲駭矣閭朝隱之文則如麗色靚粧衣之綺繡燕歌趙舞觀者忘憂然類之風雅則爲罪矣堅又曰今之後進文詞孰賢說曰

韓休之文有如太羹元酒雖雅有典則而薄於滋味許  
景先之文有如豐肌膩體雖穠華可愛而乏風骨張九  
齡之文有如輕縑素練雖濟時適用而窘於邊幅王翰  
之文有如瓊林玉笋雖爛然可珍而多有玷缺若能箴  
其所闕濟其所長亦一時之秀也

大唐  
新語

論曰子曰不怨天不尤人下學而上達又曰求己不責  
於人君子振跡發身咸覲善地反之於己何得喪之不  
常望之於人則愛憎之競作王洽然之負氣推命何疎  
魏丞相之復仇尤人太過陵鑠險詖二子得之有若李

文公誨弟之書華良夫干時之敝所謂君子之儒也徐  
凝馬植豈非得之且武當垂名於不朽尹璞所謂雖文  
何益後之學者得不以爲炯戒哉

撫言

炯與王勃盧照鄰駱賓王以文詞齊名海內稱爲王楊  
盧駱亦號爲四傑炯聞之謂人曰吾愧在盧前恥居王  
後當時議者亦以爲然其後崔融李嶠張說俱重四傑  
之文崔融曰王勃文章宏逸有絕塵之跡固非常流所  
及炯與照鄰可以企及盈川之言信矣說曰楊盈川文  
思如懸河注水酌之不竭旣優於盧亦不減王恥居王

後信然愧在廬前謙也

唐書楊炯傳

我朝挺生賢俊文皇帝解戎衣而開學校飾貢帛而禮  
儒生門羅吐鳳之才人擅握蛇之價靡不發言爲論下  
筆成文足以緯俗經邦豈止雕章縟句韶諧金奏詞炳  
丹青故貞觀之風同乎三代高宗天后友重詳延天子  
賦橫汾之詩臣下繼柏梁之奏巍巍濟濟輝燦古今如  
燕許之潤色正言吳陸之鋪揚鴻業元稹劉蕡之對策  
王維杜甫之雕蟲並非肄業使然自是天機秀絕若珠  
璣色澤無假淬磨孔翠羽毛自成華彩致之文苑實煥

細圖其間爵位崇高別爲之傳今採孔紹安已下爲文苑三篇觀懷才憔悴之徒千古見知於作者

劉昫文苑表

扈載字仲熙北燕人也其爲文章以辭多自喜常次歷代有國廢興治亂之迹爲運源賦甚詳又因游相國寺見庭竹可愛作碧鮮賦題其壁世宗聞之遣小黃門就壁錄之覽而稱善因拜水部員外郎知制誥遷翰林學士賜緋而載已病不能朝謝是時天子英武樂延天下奇才而尤禮文士載與張昭賢儼陶穀徐台符等俱被進用穀居數人中文辭最劣尤無行昭儼數與論議其

文粲然而穀徒能先意所在以進諛取合人主事無大小必稱美頌贊至於廣京城爲木偶耕人紫芝白兔之類皆爲頌以獻其辭大抵類俳優而載以不幸早卒論議雖不及昭儼而不爲穀之諛也

後五代史本傳

鴻墀

謹案五代會要載周顯德元年河南奏汜水縣民家生紫芝數莖以進至三年潁州進白兔翰林學士尙書兵部侍郎知制誥陶穀進紫芝白兔頌

天寶十載吏部選才多濫選人劉迺獻議於知銓舍人宋昱曰近代主司獨委一二小冢宰察言於一幅之判



觀行於一揖之內古今遲速何不侔之甚哉夫判者以  
狹辭短韻語有定規爲體猶以一小治而鼓衆金雖欲  
爲鼎爲鑪不可得也故曰判之在文至局促者夫銓者  
必以崇文冠首媒耀爲賢斯固士之醜行君子所病若  
引周公尼父於銓庭則雖圖書易象之大訓以判體措  
之曾不及徐庾

唐會  
要

楊炯華州華陰人博學善屬文爲盈川令如意元年十  
月望日宮中出孟蘭盆分送佛寺則天御雒城南門與  
百寮觀之炯獻孟蘭盆賦詞甚雅麗少與絳州王勃范

陽盧照鄰東野駱賓王皆以文詞知名海內稱爲王楊  
盧駱亦號爲四傑炯聞之謂人曰吾愧在盧前恥居王  
後當時議亦以爲然崔融李嶠及張說皆爲一時宗匠  
崔李嘗曰王勃文章宏逸有絕塵之迹固非常流所及  
炯與照鄰則可企而至盈川之言爲不信矣張說謂人  
曰楊盈川之文如懸河注水酌之不竭旣優於盧亦不  
減王恥居王後則然愧在盧前爲誤矣

冊府元龜

李元賓言文貴天成強不高也李翰又言文章當如千  
兵萬馬而無人聲

南部新書

柳子厚正符晉說雖模寫前人體裁然自出新意可謂  
文矣劉夢得著天論三篇理雖未極其辭至矣韓退之  
送窮文進學解毛穎傳原道等篇皆古人意思未到可  
以名家矣

筆記

柳州爲文或取前人陳語用之不及韓吏部卓然不丐  
於古而一出諸已劉夢得巧於用事故韓柳不加品目  
焉

筆記

文有屬對平側用事者供公家一時宣讀施行以便快  
然久之不可施於史傳余修唐書未嘗得唐人一詔一

令可載於傳者惟捨對偶之文近高古乃可著於篇大  
抵史近古對偶宜今以對偶之文入史策如粉黛飾壯  
士笙匏佐鼙鼓非所施云

筆記

有唐三百年用文治天下陳子昂起於庸蜀始振風雅  
由是沈宋嗣興李杜傑出六義四始一變至道洎張燕  
公以輔相之才專譔述之任雄辭逸氣聳動羣聽蘇許  
公繼以宏麗丕變習俗而後蕭李以二雅之辭本述作  
常楊以三盤之體演絲綸郁郁之文於是乎在惟韓吏  
部超卓羣流獨高遽古以二帝三王爲根本以六經四

教爲宗師憑陵轡轅首唱古文遏橫流於昏墊闢正道  
於夷坦於是柳子厚李元賓李翱皇甫湜又從而和之  
則我先聖孔子之道炳然懸諸日月故論者以退之之  
文可繼楊孟斯得之矣至於賈常侍至李補闕翰元容  
州結獨孤常州及呂衡州溫梁補闕肅權文公德輿劉  
賓客禹錫白尙書居易元江夏稹皆文雅之雄傑者與  
世謂貞元元和之間辭人咳唾皆成珠玉豈誤也哉鉉  
不揆昧懵徧閱羣集耽玩研究掇菁擷華十年於茲始  
成厥志得古賦樂章歌詩贊頌碑銘文論箴議表奏傳

錄書序凡爲一百卷命之曰文粹以類相從各分首第  
門目止以古雅爲命不以雕篆爲工故侈言蔓辭率皆  
不取觀夫羣賢之作也氣包元化理貫六籍雖復造物  
者固亦不能測研幾而窺沈慮故英辭一發竄出千古  
琅琅之玉聲粲粲之珠光不待迅天風激海波而盡在  
耳目於戲李唐一代之文其至乎

姚鉉唐文  
粹自序 唐文粹

唐令三十篇以常員定職官之任以府衛設師徒之備  
以口分求業爲授田之法以租庸調爲斂財役民之制  
雖未及三代之政然亦庶幾乎先王之意矣後世從事

者多率其私見故聖賢之道廢而苟簡之術用太宗能  
超然遠覽絀封倫而納鄭公之譏其爲國家天下之意  
故能及此而當是之時遂成太平之功使能推其類盡  
其道則唐之治豈難至於三代之盛哉讀其書嘉其制  
度有庶幾乎古者而惜不復行也故掇其大要可紀者  
論之於此焉

唐令目  
錄序

元豐類稿

孟子之文語約而意盡不爲巉刻斬絕之言而其鋒不  
可犯韓子之文如長江大河渾浩流轉魚鼉蛟龍萬怪  
惶惑而抑遏蔽掩不使自露而人望見其淵然之光蒼

然之色亦自畏避不敢迫視執事之文紆餘委備往復  
百折而條達疏暢無所間斷氣盡語極急言竭論而容  
與閑易無艱難勞苦之態此三者皆斷然自爲一家之  
文也惟李翱之文其味黯然而長其光油然而幽俯仰  
揖讓有執事之態陸贄之文遣言措意切近的當有執  
事之實而執事之才又自有過人者蓋執事之文非孟  
子韓子之文而歐陽子之文也

嘉祐集

南豐曰漢詔令典正謹嚴尙爲近古唐常袞楊炎元稹

之屬號能爲訓詞其文未有遠過人者

辭學指南



劉夢得李習之皇甫持正李漢皆稱誦韓公之文各極其勢劉之語云高山無窮太華削成人文無窮夫子挺生鸞鳳一鳴蜩蟬革音手持文柄高視寰海權衡低昂瞻我所在三十餘年聲名塞天習之云建武以還文卑質喪氣萎體敗剝剝不讓撥去其華得其本根包劉越羸並武同殷六經之風絕而復新學者有歸大變於文又云公每以爲自楊雄之後作者不出其所爲文未嘗效前人之言而固與之並後進之士有志於古文者莫不視以爲法皇甫云先生之作無圓無方主是歸工挾

經之心執聖之權尙友作者跂邪觝異以扶孔子存皇  
之極茹古涵今無有端涯鯨鏗春麗驚耀天下栗密竒  
渺章妥句適精能之至鬼入神出姬氏以來一人而已  
又云屬文意語天出業孔子孟軻而侈其文焯焯烈烈  
爲唐之章又云如長江秋注千里一道然施於灌溉或  
爽於用此論似爲不知公者漢之語云詭然而鯁龍翔  
蔚然而虎鳳躍鏘然而韶鈞鳴日光玉潔周情孔思千  
態萬貌卒澤於道德仁義炳如也是四人者所以推高  
韓公可謂盡矣及東坡之碑一出而後眾說盡廢其略

云匹夫而爲百世師一言而爲天下法是皆有以參天地之化關盛衰之運自東漢以來道喪文弊歷唐貞觀開元而不能救獨公談笑而麾之天下靡然從公復歸於正文起八代之衰道濟天下之溺豈非參天地而獨存者乎騎龍白雲之詩蹈厲發越直到雅頌所謂若捕

龍蛇搏虎豹者大哉言乎

容齋  
隨筆

枚乘作七發創意造端麗旨腴詞上薄騷些蓋文章領袖故爲可喜其後繼之者如傅毅七激張衡七辯崔駰七依馬融七廣曹植七啟王粲七釋張協七命之類規

仿太切了無新意傳元又集之以爲七林使人讀未終  
篇往往棄諸几格柳子厚晉問乃用其體而超然別立  
新機杼激越清壯漢晉之間諸文士之弊於是一洗矣  
東方朔答客難自是文中傑出楊雄擬之爲解嘲尙有  
馳騁自得之妙至於崔駰達旨班固賓戲張衡應問皆  
屋下架屋章摹句寫其病與七林同及韓退之進學解  
於是一洗矣毛穎傳初成世人多笑其怪雖裴晉公亦  
不以爲可惟柳子厚獨愛之韓子以文爲戲本一篇耳  
妄人旣附以革華傳至於近時羅文江瑤葉嘉陸吉諸

傳紛紜雜沓皆託以爲東坡大可笑也

容齋  
隨筆

舊唐史韓退之傳初言愈常以爲魏晉已還爲文者多  
拘偶對而經誥之指歸不復振起故所爲文抒意立言  
自成一家新語後學之士取爲師法當時作者甚眾無  
以過之故世稱韓文而又云時有恃才肆意亦戾孔孟  
之旨若南人妄以柳宗元爲羅池神而愈撰碑以實之  
李賀父名晉不應進士而愈爲賀作諱辯令與進士又  
爲毛穎傳譏戲不近人情此文章之甚紕繆者撰順宗  
實錄繁簡不當敘事拙於取舍頗爲當代所非裴晉公

有寄李翱書曰昌黎韓愈僕知之舊矣其人信美材也  
近或聞諸儕類云恃其絕足往往奔放不以文立制而  
以文爲戲可矣乎今之不及之者當大爲防焉爾舊史  
謂愈爲紕繆固不足責晉公亦有是言何哉考公作此  
書時名位猶未達其末云昨弟來欲度及時干進度昔  
歲取名不敢自高今孤榮若此游宦謂何是不能復從  
故人之所勉耳但冀力田園苟過朝夕而已然則公出  
征淮西請愈爲行軍司馬又令作碑蓋在此累年之後  
相知已深非復前比也

容齋  
隨筆

韓退之自言作爲文章上規姚姒盤誥春秋易詩左氏  
莊騷太史子雲相如閎其中而肆其外柳子厚自言每  
爲文章本之書詩禮春秋易參之穀梁氏以厲其氣參  
之孟荀以暢其支參之莊老以肆其端參之國語以博  
其趣參之離騷以致其幽參之太史公以著其潔此韓  
柳爲文之旨要學者宜思之

容齋  
隨筆

李習之答朱載言書論文最爲明白周盡云六經創意  
造言皆不相師故其讀春秋也如未嘗有詩也其讀詩  
也如未嘗有易也其讀易也如未嘗有書也其讀屈原

莊周也如未嘗有六經也如山有岱華嵩衡焉其同者  
高也其草木之榮不必均也如瀆有濟淮河江焉其同  
者出源到海也其曲直淺深不必均也天下之語文章  
有六說焉其尙異者曰文章詞句奇險而已其好理者  
曰文章敘意苟通而已溺於時者曰文章必當對病於  
時者曰文章不當對愛難者曰宜深不當易愛易者曰  
宜通不當難此皆情有所偏滯未識文章之所主也義  
不深不至於理而辭句怪麗者有之矣劇秦美新王褒  
僮約是也其理往往有是者而詞章不能工者有之矣



王氏中說俗傳太公家教是也古之人能極於工而已  
不知其辭之對與否易與難也憂心悄悄愠於羣小非  
對也邁閔旣多受侮不少非不對也朕璽譏說殄行震  
驚朕師菀彼桑柔其下侯甸將采其劉非易也光被四  
表格於上下十畝之間兮桑者閑閑兮非難也六經之  
後百家之言興老聃列莊至於劉向揚雄皆自成一家  
之文學者之所師歸也故義雖深理雖當詞不工者不  
成文宜不能傳也其論文如此後學宜志之

客齋  
隨筆

中書舍人所承受詞頭自唐至本朝皆只就省中起草

付吏逮於告命之成皆未嘗越日故其職爲難其以敏  
捷稱者如韋承慶下筆輒成未嘗起草陸辰初無思慮  
揮翰如飛顏蕘草制數十無妨談笑鄭畋動無滯思同  
僚間筆劉敞臨出局倚馬一揮九制皆見書於史策其  
遲鈍窘擾者如陸餘慶至晚不能裁一言和嶠閉戶精  
思徧討羣籍與夫跼宿舍人紫微失却張君房之類蓋  
以必欲速成故也周廣順初中書舍人劉濤責授少府  
少監分司西京坐遣男頊代草制詞也頊時爲監察御

史亦責復州司戶

容齋  
三筆

韓公人物畫記其敘馬處云馬大者九匹於馬之中又有上者下者焉行者牽者奔者涉者陸者翹者顧者鳴者寢者訛者立者齧者飲者洩者陟者降者癢磨樹者噓者嗅者喜而相戲者怒相踉齧者秣者騎者驟者走者載服物者載狐兔者凡馬之事二十有七焉馬大小八十有三而莫有同者焉秦少游謂其敘事該而不煩故仿之而作羅漢記杜又有畫馬贊云韓幹畫馬毫端有神驂騮老大驪展清新及四蹄電雹一日天地瞻彼駿骨實惟龍媒之句坡公九馬贊言薛紹彭家藏曹將

軍九馬圖杜子美所爲作詩者也其詞云牧者萬歲繪  
者惟霸甫爲作誦偉哉九馬讀此詩文數篇真能使人  
方寸超然意氣橫出可謂妙絕宮商矣

容齋  
五筆

全唐文紀事卷一百二十終

全唐文紀事卷一百二十一

原任翰林院編修 國史館纂修 實錄館提調 武英殿協修陳鴻墀纂

總論四

柳子厚劉夢得皆坐王叔文黨廢黜劉頗飾非解謗而柳獨不然其答許孟容書云早歲與負罪者親善始奇其能謂可以共立仁義裨教化暴起領事人所不信射利求進者百不一得一旦快意更恣怨讟詆訶萬狀盡爲敵讐及爲叔文母劉夫人墓銘極其稱誦謂叔文堅明直亮有文武之用待詔禁中道合儲后獻可替否有

康弼調護之勤訐謫定命有扶翼經緯之績將明出納  
有彌綸通變之勞內贊謨畫不廢其位利安之道將施  
于人而夫人終於堂知道之士爲蒼生惜焉其語如此  
夢得自作傳云順宗卽位時有寒僞王叔文以善奕棋  
得通籍博望因間隙得言及時事上大奇之叔文自言  
猛之後有遠祖風唯呂溫李景儉柳宗元以爲信然三  
子皆與予厚善日夕過言其能叔文實工言治道能以  
口辯移人旣得用其所施爲人不以爲當上素被疾詔  
下內禪宮掖事祕功歸貴臣於是叔文貶死韓退之於

兩人爲執友至修順宗實錄直書其事云叔文密結有當時名欲僥倖而速進者劉禹錫柳宗元等十數人定爲死交蹤跡詭祕旣得志劉柳主謀議唱和采聽外事及敗其黨皆斥逐此論切當雖朋友之義不能以少蔽也

容齋  
續筆

韓文公送窮文柳子厚乞巧文皆擬揚子雲逐貧賦韓公進學解擬東方朔客難柳子晉問篇擬枚乘七發貞符擬劇秦美新黃魯直跋奚移文擬王子淵僮約皆極文章之妙唐宣宗時有文士王振自稱紫邏山人有送



窮辭一篇引韓吏部爲說其文意亦工

容齋續筆

作文受謝自晉宋以來有之至唐始盛李邕傳邕尤長碑頌中朝衣冠及天下寺觀多齋持金帛往求其文前後所製月數百首受納饋遺亦至巨萬時議以爲自古鬻文獲財未有如邕者故杜詩云干謁滿其門碑版照四裔豐屋珊瑚鉤騏驎織成罽紫駟隨劍几義取無虛歲又有送斛斯六官詩云故人南郡去去索作碑錢本賣文爲活翻令室倒懸蓋笑之也韓愈撰平淮西碑憲宗以石本賜韓宏宏寄絹五百匹作王用碑用男寄鞍

馬并白玉帶劉又持愈金數斤去曰此諛墓中人得耳  
不若與劉君爲壽愈不能止劉禹錫祭愈文云公鼎侯  
碑志隧表阡一字之價螯金如山皇甫湜爲裴度作福  
先寺碑度贈以車馬繒綵甚厚湜大怒曰碑三千字字  
三縑何遇我薄耶度笑酬以絹九千匹穆宗詔蕭俛撰  
成德王士真碑俛辭曰王承宗事無可書又撰進之後  
例得貶遺若黽勉受之則非平生之志帝從其請文宗  
時長安中爭爲碑志若市賈然天官卒其門如市至有  
喧競爭致不由喪家裴均之子持萬縑詣韋貫之求銘

貫之曰吾甯餓死豈忍爲此哉白居易修香山寺記曰  
予與元微之定交於生死之間微之將薨以墓誌文見  
託旣而元氏之老狀其臧獲輿馬綾帛洎銀鞍玉帶之  
物價當六七十萬爲謝文之贊予念平生分誼不當納  
往返再三訖不得已回施茲寺凡此利益功德應歸微  
之

容齋  
續筆

唐人詩文或於一句中自成對偶謂之當句對蓋起於  
楚辭蕙烝蘭藉桂酒椒漿桂櫂蘭枻斲冰積雪自齊梁  
以來江文通庾子山諸人亦如此如王勃宴滕王閣序

一篇皆然謂若襟三江帶五湖控蠻荆引甌越龍光牛  
斗徐穉陳蕃騰蛟起鳳紫電青霜鶴汀鳬渚桂殿蘭宮  
鍾鳴鼎食之家青雀黃龍之軸落霞孤鶩秋水長天天  
高地迴興盡悲來宇宙盈虛邱墟已矣之辭是也于公  
異破朱泚露布亦然如堯舜禹湯之德統元立極之君  
臥鼓偃旗養威蓄銳夾川陸而左旋右抽抵邱陵而浸  
淫布濩聲塞宇宙氣雄鉦鼓軀兜作威風雲動色乘其  
貽藉取彼鯨鯢自卯及酉來拒復攻山傾河泄霆鬪雷  
馳自北徂南輿尸折首左武右文銷鋒鑄鐔之辭是也

容齋

續筆

鮮于京兆仲通也張太常博士均均也所美非美然昌  
黎之於于頔李實類此杜韓二公晚節所守如孤松勁  
柏學者不必師法其少作也

困學紀聞

韓柳並稱而道不同韓作師說而柳不肯爲師韓闢佛  
而柳謂佛與聖人合韓謂史有人禍天刑而柳謂刑禍  
非所恐

原注柳以封禪爲非而韓以封泰山鑲玉牒勸憲宗

困學紀聞

鴻臚

謹案全祖望云一作師說一不肯爲師是各量

其力闢佛是韓勝非封禪是柳勝作史之說亦柳爲

長然韓子大本大原處勝而柳不逮也

李文叔書戰國策曰爲是說者非難而載是說者爲不易得使秦漢而後復有爲是說者必無能載之者矣愚觀董晉之答回紇語李懷光譚忠之說劉總詞氣雄健有先秦風韓杜二公之筆力足以發之也

原注董晉行狀燕將錄

困學紀聞

游黃溪記倣太史公西南夷傳皇甫湜悲汝南子桑倣

莊子天運皆奇作也

困學紀聞

凡人之文不待大而顯相如以子虛一賦顯杜牧以阿

房一賦顯王勃以秋水共長天一聯顯

山堂考索引陳傳良

杜子美說早上嚴武尤爲偉論孟郊上使君養生書

李義山作李賀小傳白樂天墓碑劉義傳文體奇逸不

應止取其詩

密齋筆記

先覺論文以謂退之作古子厚復古此天下高論

北牕多輟

錄

韓退之柳子厚皆唐之文宗儒者之論則退之爲首而子厚次之二人平素各相推許退之論子厚之文則曰雄深雅健似司馬子長崔蔡之流不足多也子厚論退

之之文則曰退之所敬者司馬遷揚雄遷之文與退之固相上下如楊雄太元法言退之特不作作之加瑰奇詳究其作二公之論皆非溢美但退之之文其間亦有小疵至子厚則惟所投之無不如意

東園叢說

柳以文與韓並稱焉韓文論事說理一一明白透徹無可指擇者所謂貫道之器非歟柳之達於上聽者皆諛辭致於公卿大臣者皆罪謫後蕃縮無聊之語碑碣等作亦老筆與俳語相半間及經旨義理則是非多謬於聖人凡皆不根於道故也惟紀志人物以寄其嘲罵模



寫山水以舒其抑鬱則峻潔精奇如明珠夜光見輒奪目此蓋子厚放浪之久自寫胷臆不事諛不求哀不關經義又皆晚年之作所謂大肆其力於文章者也故愚於韓文無擇於柳不能無擇焉而非徒曰並稱然此猶以論文也若以人品論則歐陽子謂如夷夏之不同矣歐陽子論文亦不屑稱韓柳而稱韓李李指李翱云

黃氏

日  
砂

裴休得道於黃蘗圓覺經等諸序文皆深入佛理雖爲佛者亦假其言以行而吾儒不道以其爲言者佛也李

翱復性書卽佛氏所常言而一以吾儒之說文之晚見  
藥山疑有與契而爲佛者不道以其爲言者儒也此道  
豈有二以儒言之則爲儒以佛言之則爲佛而士大夫  
每患不能自求其所聞必取之佛故不可行於天下所  
以紛然交相詆卒莫了脫其實也韓退之答孟簡書論  
大顛以爲實能外形骸以理自勝不爲事物侵亂胷中  
無隔礙果爾安得更別有佛法是自在其說中而不悟  
退之原性不逮李翱復性書遠甚蓋別而爲二必有知  
者然後信之李翱作復性書時年二十九猶未見藥山

也然求於吾儒者皆與當時佛者之言無二故自言志於道者四年則其學之久矣然無一言近佛而猶微外之與老莊並列蓋以世方力詆其說不可與之爭亦不必爭故爾吾謂唐人善學佛而能不失其爲儒者無如翱若王縉杜鴻漸以宰相傾心爲佛事蓋本於因果報應之說猶有意徼幸以求福乃其流之下概而王摩詰白樂天爲佛則可矣而非儒也是召干戈而求不鬪雖欲使退之不作可乎孟簡反欲乘其間而屈之亦陋矣復性書上篇儒與佛者之常言也其中篇以齋戒其心

爲未離乎靜知本無有思則動靜皆離視聽昭昭不起  
於聞見而其心寂然光照天地此吾儒所未嘗言非自  
佛發之乎末篇論鳥獸蟲魚之類謂受形一氣一爲物  
一爲人得之甚難生乎世又非深長之年使人知年非  
深長而身爲難得則今釋氏所謂人身難得無常迅速  
之二言也黽言之何傷而必語操釋語以誨人宜其從  
之者旣不自覺而詆之者亦不悟其學之所同也  
避暑錄話  
東方朔始作答客難雖揚子雲亦因之作解嘲此猶是  
太元法言之意正子雲所見也故班固從而作答賓戲

東京以後諸以釋誨應問紛然迭起枚乘始作七發其  
後遂有七啟七摠等後世始集之七林文章至此安得  
不衰乎唯韓退之柳子厚始復傑然知古作者之意古  
今文辭變態已極雖源流不免有所從來終不肯屋下  
架屋進學解卽答客難也送窮文卽逐貧賦也小有出  
入便成一家子厚天問晉問乞巧文之類高出魏晉無  
後世因緣卑陋之氣至於諸賦更不蹈襲屈宋一句則  
二人皆在嚴忌王褒上數等也

避暑  
錄話

古文衰于東京至唐韓柳則盛未幾復衰至本朝歐公

復盛起衰爲盛非學力深至不能予是焉學久未有愜  
于心乃取六君子文類而讀之如昌黎之粹而古柳州  
之辨而古六一之渾厚而古河南之簡切而古南豐之  
密而古后山之奇而古是皆可仰可師集而參之肆吾  
力焉庶以逞吾志如諸公之墓誌表尤奇筆然不勝其  
多又不容率意去取姑置之云

題六君子  
江湖長翁  
古文後

文集

貞觀開元之復漢者天策府諸公與魏徵馬周宋璟張  
九齡之論諫亦公孫宏倪寬夏侯勝魏相之類也至天

寶至德而杜子美之詩貞元元和而韓退之之文輾齊  
梁軼西漢而幾及於孟氏蓋天秀常在宇宙間時不滅  
也

尚文

宋陳普石堂遺集

本朝以詞賦取士雖曰雕蟲篆刻而賦有極工者往往  
寓意深遠遣詞超詣其得人亦多矣自廢詩賦以後無  
復有高妙之作昔中書舍人孫何漢公著論曰唐有天  
下科試愈盛自武德貞觀之後至貞元元和已還名儒  
鉅賢比比而出有宗經立言如邱明馬遷者有傳道行  
教如孟軻揚雄者有馳騁管晏上下班范甯有凌轢顏

謝詆訶徐庾者如陸宣公裴晉公皆負王佐之器而猶以舉子事業飛騰聲稱韓退之柳子厚皇甫持正皆好古者也尙刻意雕琢曲盡其妙持文衡者豈不知詩賦不如策問之近古也蓋策問之目不過禮樂刑政兵戎賦輿歲時災祥吏治得失可以備擬可以曼衍故汗漫而難校渙忽而少工詞多陳熟理無適莫惟詩賦之制非學優才高不能當也破巨題期於百中壓強韻示有餘地驅駕典故混然無跡引用經籍若已有之詠輕近之物則託興雅重命詞峻整述樸素之事則立言適麗



析理明白其或氣燄飛動而語無孟浪藻繪交錯而體  
不卑弱頌國政則金石之奏間發歌物瑞則雲日之華  
相照觀其命句可以見學植之深淺卽其構思可以覘  
器業之大小窮體物之妙極緣情之旨識春秋之富艷  
洞詩人之麗則能從事於斯者始可以言賦家流也其  
論作賦之工如此非過也

寓簡

唐盧氏雜說論當時詔勅褒貶之言王公卿士始褒則  
謂其圭璋特達善無可加貶責則目以斗筭下材罪不  
容責同爲一士之行共一君之言愚智生於倏忽是非

變於俄頃何以取信天下此語甚當近世居綸綍之任者則又甚焉廢格公議觀望時情迎合上心取快私意朝伯夷而夕盜跖甚可笑也揚廷敷號訓飭百官既無華國之文又失代言之體漢人所謂一尊之身三棊之間乍賢乍佞視今豈不信然哉

寓簡

李朴送徐行中序云吾嘗論唐人文章下韓退之爲柳子厚下柳子厚爲劉夢得下劉夢得爲杜牧下杜牧爲李翱皇甫湜最下者爲元稹白居易蓋元白以澄澹簡質爲工而流入於鄙近譬如哇淫之歌雖足以快心便

耳而類乏韶濩翺湜優柔泛濫而詞不掩理杜牧清深  
勁峻而體乏步驟夢得俊逸麗縟而時窘邊幅子厚雄  
健飄肆有縣崖峭壑之勢不幸不發於仁義而發於躁  
誕至退之而後淳粹溫潤駸駸乎爲六經之苗裔

餘師錄

韓退之文渾大廣遠難窺測柳子厚文分明見規模次  
第初學者當先學柳文後熟韓文則功夫自易

餘師錄

張曲江語人曰作者常想曾次吞雲夢筆頭湧若耶溪  
量既并包文亦浩瀚

語林

三松王才臣子俊者家廬陵以文名江西嘗作淳熙內

禪頌一篇又自作序其後謂後世於詩頌旣不甚經意而能文之士亦不世有鴻烈麗藻率不相值且如有肅宗復兩京之功又適有元結能作頌有憲宗平淮蔡之功又適有韓愈柳宗元能作碑若雅是以其功烈益大彰明灼著足以傳世無極韓碑爲人所磨易以段文昌之作便俳諧淺陋讀者悶然厭之豈復能有所發揚也

程史

李唐羣英惟韓文公之文李太白之詩務去陳言多出新意至於盧仝貫休輩效其顰張籍皇甫湜輩舉其步

則怪且醜僵且仆矣然退之南山乃類杜之北征進學  
解乃同於子雲之解嘲鄆州溪堂之什依於國風平淮  
西碑之文近於小雅則知其有所本矣

珊瑚鈎詩話

唐天寶十二載始詔舉人策問外試詩賦各一首自此  
八韻律賦始盛其後作者如陸宣公裴晉公呂溫李程  
猶未能極工逮至晚唐薛逢宋言及吳融出於場屋然  
後曲盡其妙然但山川草木雪風花月或以古之故實  
爲景題賦於人物情態爲無餘地若夫禮樂刑政典章  
文物之體畧未備也

四六話序

余嘗疑三器論非退之文章又疑下邳侯傳是後人擬作退之傳毛穎以文滑稽耳正如伶人作戲初出一譚語滿場皆笑此語蓋再出耶毛穎傳贊賞不酬勞以老見疏秦貞少恩哉甚似太史公筆勢董晉行狀書迴紇李懷光二事似左氏文字通解非退之文字之乎者也

下皆未當其誣退之多矣

步里客談

柳子厚作楚詞卓詭譎怪韓退之不能及退之古文深

閎雄毅子厚又不及

寓簡

唐人惟柳子厚深得騷學退之李觀皆所不及若皮日

休九諷不足爲騷

滄浪詩話

全唐文紀事卷一百二十二

原任翰林院編修 國史館纂修 實錄館提調 武英殿協修陳鴻墀纂

總論五

舊史全載梁鎮奏止李國禎立大地婆父等祠堂文字  
學者味之自當長益志意雖唐畿赤令尉得自通於朝  
廷然長民者既有城社而不以實利害告君徒以奉令  
爲恭而竊議於下則何取焉當其時宰相導逢人主荒  
惑而道士威脅於其間固亦可見蓋不特如林靈素輩  
能爲奸慝也而鎮以縣令獨嬰其鋒朗激傾盡如此然



則人患不爲而已裴延齡皇甫鎛進用陸贄裴度皆有諫疏贄雖詳復懇切不如度之簡重得體真大臣之言也度言比者淮西糧料所破五城錢其實只與一城兩城士卒怨怒皆欲離叛臣到行營方且慰諭責其遷延不進供軍漸難但能前去必有優賞以此約定然後功勒供軍且支九月一日兩城已上錢俱各努力方將少安雖侵刻不少然漏落亦多所以罷兵之後輕費錢數一千三十萬不知所謂漏落者鎛私以自入耶吏所乾沒耶拜賦有名而無實耶度爲宰相不能透見事情但

以意言之亦未可也

習學  
記言

武后見駱賓王爲徐敬業作檄讀至一坏之土未乾六  
尺之孤何在曰宰相安得失此人李襲吉爲李克用與  
梁書朱全忠讀至毒手尊拳交相於暮夜金戈鐵馬踐  
蹂於明時歎曰李公僻處有士如此使吾得之傳虎以  
翼文章號令豈可不擇人李德裕勿以子孫之謀而存  
輔車之勢三鎮凜凜不敢結連封敖傷居爾體痛在朕  
躬將士爲之感服文章之功省力於長槍大劍如此

猗  
覺

寮雜  
記

全唐文紀事

卷一百二十二

二

唐世以詩賦設科然去取予奪一決於詩故唐人詩工而賦拙湘靈鼓瑟精衛填海之類雖小小皆含意義有王回曾鞏所不能道本朝亦以詩賦設科然去取予奪一決於賦故本朝賦工而詩拙

劉克莊後村題跋

韓退之之文得歐公而後發明陸宣公之議論陶淵明柳子厚之詩得東坡而後發明子美之詩得山谷而後發明後世復有揚子雲必愛之矣

歲寒堂詩話

孟子就三綱五常內立議論其與人辯是不得已莊子就三綱五常外立議論其與人辯是得已而不得已義理

有閤矣然文字皆不可及

二人同處齊梁不知如何不相見若相見其辯必然有可

觀

韓退之文學孟子不及左傳

有逼真處如董晉行柳

子厚文學國語

國語段全柳段

西漢

諸傳髣

歐陽永叔

學韓退之

諸篇皆以退之爲祖加以姿態惟五代史過順宗實錄遠甚青出於藍而青於藍也

文章情義

韓如海柳如泉歐如瀾蘇如潮

文章精義

孟子譏蜚鼃不諫蜚鼃卒以諫顯退之譏陽城不諫陽

城卒以諫顯歐陽永叔譏范仲淹不諫范仲淹卒以諫

顯三事相類然孟子數語而已退之費多少糾說永叔

步驟退之而微不及古今文字優劣於此可見

文章  
精義

退之雖時有譏諷然大體正子厚發之以憤激永叔發之以感慨子瞻兼憤激感慨發之以諧謔讀柳蘇文方

知韓文不可及

文章  
精義

李華弔古戰場文本於庾信哀江南賦韓愈送窮文本於揚雄逐貧賦李白大鵬賦本於司馬相如大人賦屈原之遠遊皮日休桃花賦殆出於舒元興牡丹賦柳宗元之乞巧文劉禹錫之問大鈞則同時而暗合也

藏一  
話腴

蘇黃之別猶丈夫女子之應接丈夫見賓客信步出將

去如女子則非塗澤不可韓柳之別則猶作室子厚先  
量自家四至所到不敢畧侵他人田地退之則惟意所  
指橫斜曲直只要自家屋子飽滿初不問田地四至或  
在我與別人也此譬亦可人意

艾軒先生跋  
韓柳蘇黃集

隱居通

議

唐有文選學故一時文人多宗尚之少陵亦敎其子宗  
文宗武熟讀文選少陵詩多用選語但善融化不覺耳  
至如王勃諸人便不然滕王閣序層巒聳翠上出重霄  
飛閣流丹下臨無地卽王巾頭陀寺碑文曾軒延袤上

全唐文紀事

卷一百二十二

四

出雲霓飛閣逶迤下臨無地落霞與孤鶩齊飛秋水共  
長天一色卽庾子山馬射賦落花與芝蓋齊飛楊柳共  
春旗一色能拔流俗自成一家韓柳李義山李翱數公  
而已滕王閣舊置王勃詩序碑當正位昌黎作重修滕  
王閣記居其旁古心江公治隆興遂遷韓碑居正退勃  
於旁公嘗刻碑陰畧云勃八代未變之文俳優語也昌  
黎文一變八代直至於道舊見墨本今忘之

湛淵  
靜語

後學雖不業科舉至於唐一代時文律賦亦當披閱而  
不可忽其中體制規模多有妙處

王堂  
嘉話

嘗觀唐人文集及文苑英華所載唐賦無慮以千計大抵律多而古少夫古賦之體其變久矣而況上之人選進士以律賦誘之以利祿耶蓋俳體始於兩漢律體始於齊梁俳者律之根律者俳之蔓后山云四律之作始於徐庾俳體卑矣而加以律律體弱矣而加以四六此唐以來進士賦體所由始也雕蟲道喪頽波橫流光鉅氣燄埋鎗晦蝕風俗不古風騷不今後生務進干名聲律大盛句中拘對偶以趨時好字中揣聲病以避時忌孰肯學古哉退之云時時應事作俗語下筆令人慚及



以示人大慚以爲大好小慚以爲小好不知古人真何  
用於今世斯言也其傷今也夫其懷古也夫是以唐之  
一代古賦之所以不古者律之盛而古之衰也就有爲  
古賦者率以徐庾爲宗亦不過少異於律爾甚而或以  
五七言之詩爲古賦者或以四六句之聯爲古賦者不  
知五七言之詩四六句之聯果古賦之體乎宋廣平大  
雅君子也其爲梅花賦皮日休尙稱其清便富麗得南  
朝徐庾體殊不類其爲人他可知矣且古賦所以可貴  
者誠以本心之情有爲而發六義之體隨寓而形如雲

之行空風之行水百態橫生爲變不測縱橫顛倒不主  
故常委蛇曲折畧無留礙有不齊之齊焉用俳有不調  
之調焉用律及爲俳體者則不然駢花儷葉含宮泛商  
如無鹽輩膏沐爲容而又與西施鬪美然天下之正色  
終自有在子美詩云詞賦工無益其意殆爲俳律者發  
李太白天才英卓所作古賦差強人意但俳之蔓雖除  
律之根固在雖下筆有光燄時作奇語只是六朝賦爾  
惟韓柳諸古賦一以騷爲宗而超出俳律之外韓子之  
學自言其正葩本之詩而下逮於騷柳之學自言其本

之詩以求其恆參之騷以致其幽要皆是學古者唐賦  
之古莫古於此至杜牧之阿房宮賦古今膾炙但大半  
是論體不復可專目爲賦矣

古賦  
辨體

韓文公上李侍郎書云大之爲河海高之爲山嶽明之  
爲日月幽之爲鬼神纖之爲珠璣華實變之爲雷霆風  
雨答尉遲生書云本深而末茂形大而聲宏行峻而言  
厲心醇而氣和昭晰者無疑優遊者有餘上于頓相公  
書云變化若雷霆浩汗若河漢正聲諧韶濩勁氣沮金  
石凡皆形容文章之妙公實道胸中之自得者

金石  
例

吾讀柳子厚集尤愛山水諸記而在永州爲多子厚之  
交至永益工其得山水之助耶及讀元次山集記道州  
諸山水亦曲極其妙子厚豐縟精絕次山簡淡高古二  
子之文吾未知所先後也唐文至韓柳始變然次山在  
韓柳前文已高古絕無六朝一點氣習其人品不可及

歟震澤  
長語

唐文章近史者三焉退之毛穎之於太史也子厚逸事  
之於孟堅也紫薇燕將之於國策也宋而下蔑聞矣少室

山房  
稿

以昌黎毛穎之筆而馳驟古人奚患其不史也而順宗  
錄有取舍之譏曹王碑多軋茁之調柳以史筆推韓與  
書翊戴至矣而韓弗任也段秀實傳一轡足珍他絕不  
覩李習之翽銳以史自居第唐一代詎止高楊兩女子

哉

少室山房稿

人謂唐以詩取士故詩獨工非也凡省試詩類鮮佳者  
律賦尤爲可厭白樂天所載元珠斬蛇并韓柳集中存  
者不啻村學究語杜牧阿房雖乖大雅就厥體中要自  
崢嶸擅場惜哉其亂數語議論益工面目益遠

藝苑卮言

文至於隋唐而靡極矣韓柳振之曰歛華而實也至於五代而亢極矣歐蘇振之曰化腐而新也然歐蘇則有間焉其流也使人畏難而好易

藝苑  
卮言

皇甫湜韓門弟子而不善作詩其題浯溪石間爲元結詩云次山有文章可惋只在碎然長於指紋約結多餘態心語適相應出句多分外於諸作者間拔戟成一隊中行雖富劇粹美君可蓋子昂感遇佳未若君雅裁退之全而神上與千載對李杜材海翻高下非可概文於一氣間爲物莫與大先王路不荒豈不仰吾輩石屏立

衙衙溪口揚素瀨我思何人知徙倚如有待味其語意  
蓋衡量唐人文章而詞亦有氣岸稜峭非苟作者洪容  
齋以爲風味無可采非也

六硯齋  
二筆

杜詩語及太白處無慮十數篇而太白未嘗假借子美  
一語以此知子美傾倒太白至矣晏元獻公嘗言韓退  
之扶導聖教剷除異端則誠有功若其祖述墳典憲章  
騷雅上傳三

當作  
子

史下籠百世橫行闊視於綴述之場

者子厚一人而已

丹鉛  
雜錄

李耆卿評文云韓如海柳如泉歐如瀾蘇如潮余謂此

評極當但謂柳如泉未允易泉以江可也

丹鉛  
總錄

列傳之名始於太史公蓋史體也不當作史之職無爲人立傳者故有碑有誌有狀而無傳梁任昉文章緣起言傳始於東方朔作非有先生傳是以寓言而謂之傳

韓文公集中傳三篇太學生何蕃圻者王承福毛穎

又

下邳侯革華傳是僞作

柳子厚集中傳六篇宋清郭橐駝童區寄

梓人李赤蝨蝨何蕃僅採其一事而謂之傳王承福之輩皆微者而謂之傳毛穎李赤蝨蝨則戲耳而謂之傳蓋比於稗官之屬耳若段太尉則不曰傳曰逸事狀子



厚之不敢傳段太尉以不當史任也自宋以後乃有爲人立傳者侵史官之職矣

日知錄

金石例云記者記事之文也西山云記以善敘事爲主禹貢顧命乃記之祖後人作記未免雜以議論陳后山亦曰退之作記記其事耳今之記乃論也竊嘗考之記之名始於戴記學記等篇記之文文選弗載後之作者固以韓退之畫記柳子厚遊山諸記爲體之正然觀韓之燕喜亭記亦微載議論於中至柳之記新堂鐵爐步則議論之辭多矣迨至歐蘇而後始專有以論議爲記

者宜乎後山諸老以是爲言也

稗編

韓退之剝啄行用剝剝啄啄樊紹述絳守園池記用文

文章章皆成語而疊之

通雅

鹿門八家之選其旨大畧本之荆川至其批評謬處姑舉一二如昌黎張中丞傳後序云不載雷萬春事首尾與南霽雲乞救賀蘭兩不相蒙而鹿門以爲雷萬春疑當作南霽雲若乞救之事照應此句以補李翰之不載則非矣曹成王碑以爲穿鑿生割爲昌黎之務去陳言豈昌黎之文從字順者猶有陳言之未去乎蓋不知昌

黎之所謂陳言者庸俗之議論也豈在字句哉羅池廟碑謂其不載柳州德政載其死而爲神一節似狎而少莊按碑中所載民業有經以下德政可謂至矣豈必如俗文之件繫毛舉然後謂之莊耶孔司勳誌前夫人從葬舅姑兆次卜人曰今茲歲未可以耐從卜人言不耐鹿門云按附誌前夫人所以不及耐葬舅姑兆次之故而不詳與司勳合葬處不可曉誌言前夫人已耐葬舅姑兆次今欲遷葬與司勳合而卜人不可故不合葬本自明曉不知鹿門如何讀也孟貞曜誌愈立位哭且召

張籍會哭諸嘗與往來者咸來哭弔韓氏按檀弓伯高之赴孔子曰夫由賜也見我吾哭諸賜氏遂命子貢爲之主故東野之喪昌黎立位於家其嘗與往來者哭弔於韓氏也鹿門云韓氏不知何人豈不知此禮耶柳州貶後諸書鹿門謂蘇子瞻安置海外時詩文殊自曠達蓋由子瞻深悟禪宗故獨超脫較子厚相隔數倍蓋子瞻之謫爲奸邪所忌而子厚之謫人且目之爲奸邪心事不白出語悽愴其所處與子瞻異也若論禪宗子厚未必讓於子瞻耳與顧十郎書子厚爲顧少連所取士

十郎乃少連子也於座主之門故稱門生書中顯贈榮  
諡揚於天官敷於天下已明言少連之死而鹿門云其

書似非對座主之言是尙疑十郎爲座主也

論茅鹿門  
批評八家

書南  
雷文約

唐有天下幾二百年而文章三變初則廣漢陳子昂以  
風雅革浮侈次則燕國張公說以宏茂廣波瀾天寶以  
還則李員外蕭功曹賈常侍獨孤常州比肩而作其道  
益熾此補闕李翰集梁肅之序韓退之肅所取士是時  
韓柳之文未行故以蕭李之徒當之至韓柳文盛而無

三變之論矣

湛園札記

余每怪新唐書不載詔令往往不詳事之首尾筆記一條云史近古不對偶今以對偶之文入史如以粉黛飾壯士笙匏佐鼙鼓乃知其刊削之意然此亦一隅之見若陸宣公李衛公論事之文何嘗非對偶但須分別觀之耳

古夫于亭雜錄

諡議如唐獨孤及苗晉卿諡議改議駁議如唐李邕駁韋巨源諡昭議答駁議如唐獨孤及答嚴郢駁呂誼諡議私議如漢蔡邕朱公叔私諡議然爲駁議者文欲明

白痛快能如柳柳州之駁復讐議則善矣

鐵立  
文起

古如唐元宗批答張九齡賀誅奚賊可突於俗如唐太宗批答劉洎然後世人主如太宗手書絕少詞臣能免代大匠斲之譏者我見亦罕

鐵立  
文起

全唐文紀事卷一百二十二終

粵東省城西湖街  
富文齋承接刊印

天下有願見不可得之書得見矣而力不足廣其傳又勢之無如何者也若幸而得見且竭力足以償厥願此固情所甚慰而事所不容緩者矣夫所以願見而欲傳之者以其書之精博也此無論古書與近人之書皆欲其廣傳之若庸陋之書不足資以攷證則過而不視之矣惠自少時好收書近者尤喜刻書數十年來所收藏者十餘萬卷願見而不得者漸少惟其書未刻則不可得而見耳二三年來在書局刻書三千餘卷世所未見之古本如草堂詩箋者則自刻之以公同好若近人精



博之書而未刻者則有 陳範川先生唐文紀事此編纂已成欲進呈而未果者 先生官編修晚年遊粵東主講越華書院惠服官於粵則 先生歸道山久矣惟與喆嗣子因大令同官知紀事之書尙存頃與賢孫諾誠嵯尹同局數載得盡讀其全帙因悉力校繕促付梓人蓋心慕 先生數十年始克藉手以傳其書此非所謂情甚慰而事不容緩者歟至此書用意之精爲體之嚴採摭之賅博已見 先生所爲凡例讀者自能得之茲不贅論焉同治十二年八月巴陵方功惠謹跋